

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 07.05.2018թ. թիվ 1808024122 որոշումն անփոփոխ, իսկ վարչական բողոքն առանց բավարարման թողնելու մասին

<<21>> 06 2018թ. 14-13-70080-18/14-13-2014

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյան, վերանայելով Անժելա Գևորգյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Ազատության պողոտայի 14 շենքի 48 բնակարանի բնակիչ Անժելա Գևորգյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 07.05.2018թ. թիվ 1808024122 որոշումը՝ նշելով, որ իրավախախտումը կատարել է ցույցերի պատճառով:

Դիմումի քննարկման արդյունքում պարզվել է, որ դիմումատուի փաստարկը վարչական ակտը բեկանելու հիմք չի կարող հանդիսանալ, քանի որ իրավախախտումն ամրագրած տեսանյութն ապացուցում է դիմումատուի կողմից 28.04.2018թ. ժամը՝ 15:03-ին Երևան քաղաքի Աճառյան – Բաբաջանյան փողոցների խաչմերուկի հատվածում հանդիպակաց երթևեկության գոտով երթևեկելու փաստը:

Այսպիսով ակնհայտ է, որ դիմումատուն կատարել է վարչական իրավախախտում, որը նախատեսված է Վարչական իրավախախտումների վերաբերյալ ՀՀ օրենսգրքի 124-րդ հոդվածի 18-րդ մասով, հետևաբար իրավախախտման փաստով կայացված վարչական տույժ նշանակելու մասին 07.05.2018թ. թիվ 1808024122 որոշումն իրավաչափ է և այն բեկանելու որևէ հիմք առկա չէ:

Ինչ վերաբերվում է դիմումատուի այն պնդմանը, որ ցույցերը խոչընդոտ են հանդիսացել իր հետագա ընթացքին, ապա ճանապարհային ոստիկանության վարչական տույժ նշանակելու մասին 07.05.2018թ. թիվ 1808024122 որոշմամբ արձանագրված իրավախախտումն ամրագրած տեսանյութի լրացուցիչ ուսումնասիրության արդյունքում պարզ երևում է, որ այլ տրանսպորտային միջոցները անարգել երթևեկում են տվյալ փողոցով առանց իրավախախտում կատարելու, որը նույն ձևով կարող է կատարել նաև դիմումատուն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 07.05.2018թ. թիվ 1808024122 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Անժելա Գևորգյանին:

